

Guangjisi Minzcu Bau

ganhhau: CN45-0036 B.2016 Nd.3 Ng.16 liggaueq bingjsaen nienz ndwenngaih cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3215期

Guengjsae Gak Minzcu Caemhyouq Huzndei Saujsu Minzcu Vwnzva Byaijcoh Dunghmungz

广西各民族共和谐 少数民族文化走向东盟

Guengjsae Lungzswng Gak Cuz Swciyen Vangzloz Yauzcai dwg aen Mbanjyauz youq dieggyae diegbya he, aenvih byoem raez lwgmbwk Hungzyauz ndaej haenh baenz "lajmbwn aenmbanj byoem raez daih'it". Banh Lenzfung lwnh gicej, gyoengqde moix bi cungj ndaej daj gij cienz lijyouz souhauej haenx faenhoengz bet gouj cien, roxnaeuz fanh maenz ngaenz doxhwnj. "cwngfuj lij bang raeuz coih loh haeuj mbanj dem, gaenh bi neix daeuj, ndaw guk rog guk hekyouz yied daeuj yied lai. Gyoengqde daeuj faenyienj gij saujsu minzcu vwnzva raeuz, saedceij raeuz yied daeuj yied ndei."

Swcigih fucjusz Vangz Siyungj 11 hauh youq Cunghsinhse gicej conhfangj seiz naeuz, dangqna, Guengjsae cingq caezsim caenhrengz hwnjguh diegguhyienh minzcu doxgiet cinbu, guhndei dieg minzcu baenzfouq vutgunz.

Guengjsae miz saujsu minzcu youq ca mbouj geij lai 2000 fanh vwnz, dwg aen swnggih Cungguk saujsu minzcu gyauejvunz ceij lai, itcig baujmaenh baihdaw huzndei hoenghuengh. Vangz Siyungj naeuz, neix ndaej ik gij cwngeuz minzcu Cungguk, ndaej ik Guengjsae itcig genhciz caeuz laeb caezcienz minzcu gihiyz swci cidu, mboujduenh haenq guh gij giekdaj doxgaiq minzcu doxgiet cinbu, yawjnaek gaijndei saujsu minzcu diegcomzyouq hwngefai diuzgienh, haenqrengz hengzguh minzcu vwnzva hwngefai canloz.

Vangz Siyungj naeuz, Guengjsae gaem ndei gij seizndei mienhyienq Dunghmungz cieplienz Guengjdoeng Yanghgangj Aumwnz suengyienq, doicaenh dah haij lienzdoengh, dieghawq haij doxdoeng, saedyienh "gyaeuylungz" caeuz "diegdungx" yungzhab hwngefai. "cibngeih haj" geizgan, Guengjsae ranghdieg swng- canj cungjiciz moix bi bingzyaenz

demgya 10.1%. moix vwnz bingzyaenz ranghdieg swngchancj cungjiciz 3.5 fanh maenz, ginghci hwngefai daengx- cungq haeuj mboengq cunghdwnj souhauej. Namzningz, Liujcouh, Baksak daengj 7 aen si vwnz saujsu minzcu haemq caebcomz haenx ranghdieg swngchancj cungjiciz hix yienh'ok yathamjsik hwngefai.

Vangz Siyungj naeuz, vih coicaenh minzcu vwnzva doxgyau doxgap, gaenh geij bi neix daeuj, Guengjsae aeu "sam nyied sam Bouxcuengh" ciet hawfwen, Namz- ningz ciet minzgoh yisuz gozci daengj minzcu ngoenzciet binjbaiz guh bingzdaiz, aeu Bouxcuengh ndawbiengz cienzgangj nem saeh- gienh lizsij guh goekdaj sijcaux vwnzva cozbini, haenqrengz hengz- guh minzcu vwnzva hwngefai canloz, gujli saujsu minzcu vwnzva byaijcoh Dunghmungz, byaijcoh seiqgyaiq.

(Cunghsinhse gicej Yangz Cinz)

Lingzyinz:

Mbanjyauz "Ngeih Nyied Ngeih" Minzcu Fungeingz Yinx Vunz Lai

凌云:瑶寨“二月二”民族风情惹人醉

3 nyied 10 hauh, Lingzyinz Yen Swcwnz Cin Ginhbauj Cunh banh gaiq daihngaih "ngeih nyied ngeih" minzcu hozdung. Danggoenz hozdung miz Yauzcuz vaenlaex baijyienj, minzcu ndangdaen baijyienj, Yauzcuz laengz roen gingq laeuj, doiq fwen daengj cizmuz lai cungj lai yienh, yinx ndaej ca mbouj geijlai fanh baux vunz lai caeuz hekyouz daeuj yawjngonz youzset. Ndaw doz dwg dahsau daek laeuj gingq bauxhek.

(Siuh Fazlingz/肖发凌)



Cuengh Gun Song Cungj Saw Sawsonhag Yaek Yiengq Suswva Okbanj Cienjhingz Swnggaep

壮汉双语教材将向数字化出版转型升级

3 nyied 10 hauh, Swcigih Gyaueydingh Minzcu Gyauey Hwngefai Cungsim Lingz Hinghningz gyausou caeuz Guengjsae Gyauey Cuzbanjse cungjbenhciz Siz Lizminz daengj bae daengz Guengjsae Sawcuengh Hagdangz, yaengdamz gij saeh haifat Cuengh Gun song cungj saw vah gyauey sawsonhag susw okbanj.

Vihliux saedyienh Cuengh Gun song cungj saw sawsonhag youz conzdungj yiengq suswva okbanj cienjhingz swnggaep, Swcigih Gyaueydingh Minzcu Gyauey Hwngefai

Cungsim, Guengjsae Sawcuengh Hagdangz caeuz Guengjsae Gyauey Cuzbanjse lienzhab haifat gij saw Sawcuengh miz diemj doeg goengnaengz haenx. Ceiqgonq saedyienh gij saw suswva okbanj dwg yozcen gyauey hozdung cijdaui yungh saw 《Angq Hag Sawcuengh》(bonjgwnz, bonjlaj) caeuz gij sawsonhag Sawcuengh siujyoz itnienzgaep song loih vunqsik, dajsuenq youq ndaw bi okbanj fathengz, youq daengx gih Cuengh Gun song saw vah saedniemh hagdangz doigvangq sawj- yungh.

Cungj MPR cuzbanjvuz neix miz yinhbinz doxgyau goengnaengz, miz diemj doeg goengnaengz gig hab hagsib vah gangj caeuz hagseng gag guhcawj hagsib, cungj gisuz neix yungh youq Cuengh Gun song cungj saw sawsonhag yaek engq ndei dwk gikfat gij yinxdaeuz hagseng hag vahcoj, baujmaenh song saw vah gyauey cizlieng. Ciuq cam rox, Guengjsae Gyauey Cuzbanjse dwg dangqna gih raeuz aen danhvei daih'it yungh MPR gisuz okbanj bonjsaw.

(Dwngz Mingzsinh/滕明新)

SIUSIK DINJ

简讯

● Denzyangz Yen yinxhauej doxgap bingzdaiz, yungh "hulenz- vangj + canjnieb" fuengsik, doeng- gvaq cwngfuj sonyinx, gisuz haeuj- coengh, giyez camgya, vuzliuz boiqdaui fugsah seiq fuengmienh mizrengz baujang, vih huq nungz- gya byaij ndaej okbae, ra ndaej dieg gai ndei, saedyienh yauqik ndei okrengz, caenh makgaivaiz canjnieb daengx yienh moix bi gwnz vangj gaicawx couh miz ca mbouj geijlai 50 fanh dun, siugaingeg mauhvaq 300 fanh maenz.

(Vangz Gozsun)

● Mboengqneix, Guekgya Minzvej dighmingz Fangzcwnz- gangj Si Fangzcwnzgih Nazliengz Cin Danhsanj Siujyoz baenz buek daihsam "daengx guk minzcu doxgiet cinbu cauxguh hozdung sifan danhvei". Geij bi neix daeuj, minzcu doxgiet cinbu cauxguh hozdung youq aen si neix haeuilaeg haiguh, gak bumwnz gig yawjnaek, gya gvangq cauxmoq, caen gaem saed guh, fatok gaenxmaenx daiqdoengh yinxlingx cozyung.

(Fu Yenzgez)

● 3 nyied 9 hauh, Dasinh Yen haiguh bi 2016 ndaem faex caux ndoeng hozdung hainduj yizsi, yienh banhsuj lingidauj, Dauz- cwnz Cin Cwngfuj caeuz yienh linzyezgiz ganbu cizgungh daengj 100 lai baux, caeuz dangdieg vunz lai itheij ndaem roengz 2300 go faex, hainduj bi 2016 ndaem faex caux ndoeng hozdung.

(Cinz Civanj)

● Mboengqneix, Lungzswng Gak Cuz Swciyen gvangqlangh haiguh vwnzva, veiswng, faplwd, gohyoz "seiq roengzmbanj" hoz- dung, cujiciz dangjyenz ganbu, yihvu yinzyenz, bauxgagnyienh canghheiq, lauxhangz gohgi daengj bae daengz yanghcin, segih, mbanj vih vunz lai soengq bae vwnzyi yienjok, yawjbingh, faplwd senh- conz, gohgi beizyin daengj neiyungz, hawj vunz lai youq douranz couh ndaej yiengjsouh ndeicawq.

(Banh Cisiengz)

● 3 nyied 9 hauh, Sanhgyangh Duncuz Swciyen Yangzhih Yangh Gauhlu Cunh, beixnuengx Duncuz doxcomz youq ndaw mbanj, doeng- gvaq guhcaz, baij ngaizbakranz daengj conzdungj minzcu hozdung, angqcoux ngoenzciet liggaueq ndwenngaih co'ngaih.

(Vangz Yaubangh)